



KALAALLIT NUNAANNI KOMMUNE-NI ANGERLARSIMAFFIMMI IKIORTEQARTIT-
SISARNEQ PILLUGU KAAJALLAASITAQ.

Angerlarsimaffimmi ikiorteqartitsisarnermik iluarsartuussi-
neq iluarsartuussineruvoq isumaginninnikkut ikiuisarfiusoq, ta-
assumallu siunertaraa angerlarsimaffinni sivikinnerusumik sivi-
sunerusumilluunniit inunnik ikiuisitsisarnissaq. Angerlarsimaf-
fimmi ikiuisarteqartitsisoqarsinnaavoq utoqqarnut, sanngiilli-
simasunut inaarluuteqartunullu kiisalu napparsimasoqartillugu
imaluunniit isumaginninnikkut ajornartorsiortoqartillugu.

Angerlarsimaffimmi ikiorteqartitsisoqarsinnaavoq Kalaallit
Nunaanni kommune-ni tamani, illoqarfinni nunaqarfinniluunniit,
ikiorsiissutinullu allanut utoqqalinersiutit pillugit ileqqoreq-
qusaq malillugu imaluunniit meeqqat inuusuttullu isumagineqar-
nerannut tungasoq kiisalu pisortatigut ikiorneqartarnermut tun-
ngasoq malillugu ikiornerqarnernut ilagitillugu tunniunneqarsin-
naalluni.

Aalajangersakkat nalinginnaasut

1. Angerlarsimaffimmi ikiorteqartitsisarneq isumaginninnermi
ataatsimiititamit aqunneqarpoq. Ulluinnarni siulersorneqarnera
ataatsimiititap aalajangersagai malillugit isumaginninnermi al-
laffimmiit imaluunniit isumaginninnermi ikiuisartumit isumagi-
neqartarpoq.

Ulluinnarni siulersuisuusooq qaammat ataaseq tikillugu sivi-
sussusilimmik angerlarsimaffimmi ikiorteqartitsinissamik akuer-
sissuteqarsinnaavoq. Qaammat ataaseq sinnerlugu angerlarsimaf-
fimmi ikiorteqartitsinissamik akuersissuteqarneq isumaginninner-
mi ataatsimiititami pisarpoq.

2. Nunaqarfigisami tamakkuninnga isumaginnittuusooq isumagin-
ninnermi ikiuisartup angerlarsimaffimmilu ikiuisartup ilaguta-
riinni ataasiakkaani imaluunniit inunni ataasiakkaani suliaa-
sa ataqatigiissinneqarnissaannut akisussaavoq qaammattaq pisor-

taqarfiit allat tungaannut pissutsit eqqarsaatigalugit, soorlu nakorsaqaarfik atuarfeqaarfilla.

3. Angerlarsimaffimmi ikiorteqalersitsineq pisinnaavoq isumaginninnermut tunngasut imaluunniit peqqissutsimut tunngasut pissutigalugit inuit makkua inassuteqareernerisigut:

- a. isumaginninnermi ikiuisartog
- b. ernisussiortog/erninnermi ikiorti
- c. peqqinnissamik isumaginnittoq
- d. nakorsaq.

Angerlarsimaffimmittaaq ikiorteqartitsineq inunnit ilaqtasunillu taamaattoqarnissamik pisariaqartitsissutsimik takunnittunit qinnutigineqarsinnaavoq.

4. Angerlarsimaffimmi ikiortimut aningaasartuutit angerlarsimaffimmi ikiortinut konto imaluunniit pisortatigut ikiorneqarnermut konto atorlugit akilerneqarsinnaapput, tamatigulli ikiorsiinnermi suna tunulequtarineqarnersoq tunngavigalugu.

Utoqqalinersiummik imaluunniit sulisinnaajunnaarnersiummik pisartumut angerlarsimaffimmi ikiorteqartitsisoqarsimappat taava tassunga aningaasartuut inuup immikkut pisartagaatut akilerneqartassaaq.

Angerlarsimaffimmi ikiorteqartitsinissamut piumasarineqartut.

5. Angerlarsimaffimmi ikiorteqarnissamik kissaateqartup paasisutissat allaffeqarfiup/isumaginninnermi ataatsimiititap angerlarsimaffimmi ikiorteqartariaqassutsimik naliliiniarnermini atugasai aammalu angerlarsimaffimmi ikiortip pineqartup sukku akilerneqarnissaanut naliliiniarnissami atorneqartussat tunniutissavai.

Pisariaqartitsissuseq inunnit pkt. 3-mi taaneqartunit uppernarsarneqarsimappat taava angerlarsimaffimmi ikiorti ilaatigut kinguliini taaneqartutut ilillugu tunniunneqarsinnaavoq:



6. Ilaqutariinnut, ningiuusq napparsimanini imaluunniit ernisi-
manini pillugu angerlarsimaffimmi sullassanik ingerlatsisinnaa-
junnaarsimappat.

7. Inunnut utoqqarnut, innarluuteqartunut sanngiillisimasunu-
llu, angerlarsimaffimmi ikiorti taakku isumannaatsumik angerlar-
simaffimminiiginnarnissaanut iluaqutaasinnaagaangat taamaali-
llutillu inissiisarfimmut pisitaanissartik pinngitsoorsinnaallu-
gu.

Angerlarsimaffimmissaaq ikiorteqartitsisoqarsinnaavoq ilaquta-
riinnut innarluuteqartunik qitornalinnut imaluunniit ilaqutariit
ilaannik innarluuteqartumik angerlarsimaffimmini najugaqartit-
sisunut, illumi ningiuusup ilaanneeriarluni oqilisaavigineqar-
tarnissaa pisariaqarsimappat.

8. Kisermaanut/aappariinnut meeqqat napparsimanerisa nalaanni
paarineqarnissaat pisariaqarsimappat angajoqqaajusut suliffim-
minnik ingerlatsiinnarnissaat pissutigalugu.

9. Angerlarsimaffinnut ilaqutariinnullu ilaqutariit suliffigi-
neqarnerannut atatillugu angerlarsimaffimmi ikiorteqartitsineq
atorneqarsinnaasimappat. Tassani pineqarpoq ikiorsiineq imminut
ikiorsinnalernissaa anguniarlugu, inooqatigiit tungaanniit isi-
galugu angerlarsimaffik ingerlanerliortoq ikiorserniarlugu inger-
lallualersillugu.

Taamaattoqartillugu angerlarsimaffimmi ikiorteqartitsineq
piaartumik aallartittariaqarpoq allanik sakkortunerusunik qanoq
iliortoqartariaqalinnginnerani soorlu meeqqat angerlarsimaffim-
miit peerneqartariaqalinnginneranni, imaluunniit ningiuusup/
angerlarsimaffiup siunnersorneqarnissaa angerlarsimaffimilu
pissutsit pitsaanerulernissaat anguniarlugu suliniarnerulernis-
saanut siunnersorumallugu, immaqaluunniit meeqqat angerlarsimaf-
fiup avataani inissinneqarsimagaluartut angerlartinneqarnissaat
siunertaralugu.

Tapersersuiniutit taaneqartut inooqatigiittut tapersersui-
niutitut allanut ilaqitillugit isigineqassaput.

10. Nuuttunut pingaartumik piffissap nuuffiusup allaqqaataani ilitsersorneqarnissamik, siunnersorneqarnissamik pissutsinullu nutaanut takornartaasunullu sungiussiniarnerminni ikiorneqarnissaminnik pisariaqartitsisunut.

11. Angerlarsimaffiit taamatut ikiorneqartut ilitsersuummik tunineqartassapput, tassanilu takuneqarsinnaassalluni ikiorneqarneq qanoq ittoq pissallugu ilimagisinnaaneraat. Ilitsersuutip soorlu assersuutigalugu imarisinnaavai paasissutissat allat nunaqarfigisami pissutsinut tunngasut, soorlu angerlarsimaffimmi ikiuisartup atia, isumaginninnermi ikiuisartut pillugit paasissutissat isumaginninnermillu allaffimmik paasissutissat.

Angerlarsimaffimmi ikiorneqarnermut akiliut

12. Inuit pisartakkanik utoqqalinersiutit pillugit ileqqoreqqusaq naapertorlugu tunniunneqartartunik imaluunniit pisortatigut ikiorneqarnermut tunngasoq naapertorlugu tunniunneqartartunik pisartut akileeqquneqarneq ajorput, taamaattorli inunnt ataa-siakkaanut tapiissutit angissusilerneqartarnerat imaluunniit tunniuttakkat allat ikiuinnermut tunniunneqarsimasumut naleqqiullugit annertussusilerneqartarput.

Atorfilinnut soraarninngorsimasunut il.il. pkt. 13-imi taaneqartut naapertorlugit akiliuteqartitsisoqartarpoq.

13. Angerlarsimaffimmi ikiorteqartitsineq malittarisat pkt.6-imi imaluunniit pkt. 8-imi taaneqartut naapertorlugit pisimap-pat taava akiliuteqartitsineq kinguliini taaneqartut naapertorlugit pisarpoq:

Akileraartaatissanik isertitani:

0	- 19.999	akiliutigineqartarpoq	0
20.000	- 29.999	-	25%
30.000	- 39.999	-	50%
40.000	- 44.999	-	75%
45.000	- sinnerlugillu	-	100%



Meeqqanut 16-nit inorlugit ukioqartunut angerlarsimaffimminnilu najugaqartunut tamanut aningaasanit akileraartaatissatut isertitanit 1.000 kr. ilanngaatigineqartarput.

Aappariinnertut ittumik inooqatigiittoqartillugu, inooqatigiinnerlu ukioq ataaseq sinnerlugu sivisussuseqarsimappat, taava aningaasat akileraartaatissatut isertitat inooqatigiittut kattillutik isertitaattut angissusilerneqassaaq.

Pissutsit immikkut ittut atuuttillugit, soorlu assersuutigalugu ilaqutariinnut meeragqortuunut angerlarsimaffimmi ikiuisoqartillugu, taava isumaginninnermi ataatsimiititap angerlarsimaffimmi ikiortimut akiliutissaq millineqartissinnaalluguluunniit akilinngitsooqqusinnaavaa.

14. Malittarisat pkt. 9-mi taaneqartut malillugit inooqatigiinik ikiorsiiniutitut angerlarsimaffimmi ikiuisartoqartitsisimatillugu, pkt. 10-milu taaneqartutut nuuttunik ikiuisoqarsimatillugu akiliisitsiniartoqarajunngilaq.

15. Taamatuttaaq angerlarsimaffimmi ikiuisartoq akeqanngitsumik tunniunneqarsinnavoq illumi ningiuusup/ilaqutariit timimigut eqqarsartaatsimigulluunniit inaarluutilimmik meerartallit ilaqutallilluunniit oqilisaaviginiarneqarnerat pineqarsimappat.

16. Angerlarsimaffimmi ikiorneqarnermut akiliutip angerlarsimaffimmi ikiuisartup aningaasarsiaasa annertussusaat qaanginngisaannassavaat.

Angerlarsimaffimmi ikiorneqartut ikiorneqarnerminnut uppernarsaallutik atsiussapput.

Angerlarsimaffimmi ikiuisartup sullivigisaccat suliaasaalu.

17. Angerlarsimaffimmi ikiuisartoq angerlarsimaffiup ingerlanneqarneranut siunnersuillunilu ikiuuttassaaq. Angerlarsimaffimmi ikiuineq tassaagajuppoq illumi suliaasanik nalinginnaasunik ikiuineq soorlu eqqiaaneq nerisassiornerlu, pisiniarneq, pisariaqartunik atisanik iluarsaassineq errorsinerlu, inuit immin-

nut eqqiluisaarunnerat, imertarnissamik ikummatissasornissami-llu isumaginnineq, ilaqutariit meerrartaasa paarineqarnerannik nakkutilliineq, aammalu atisalersuisarneq atisaajaasarnerlu.

Angerlarsimaffimmi napparsimasunik ikiuineq angerlarsimaffimmi ikiuisartup suliassaasa ilaginngilaat.

18. Errorsersuarnissaq killingiilluniluunniit eqqiaanissaq angerlarsimaffimmi ikiuisartup akisussaaffiginngilaa tamanna ikiuisitsisoqarfimminngaanniit ilanngulugu isumaqatigiissutigineqareersimanngippat.

19. Angerlarsimaffimmi ikiuisartuq angerlarsimaffinni ikiukkamini akissarsiamik tiguisartussaangilaq aammalumi imminut nerisartaqartittussaalluni.

20. Eqqiaanermi sakuutit eqqiaanermullu atortut angerlarsimaffimmi pigineqareertussaagajupput.

Misilittakkatigulli naluneqanngilaq angerlarsimaffiit ilaat eqqiaanermut atortunik pisariaqartunik peqarneq ajortut.

Taamaattoqartillugu eqqiaanermut atortut pisariaqartut angerlarsimaffimmi ikiuisartoqarfimiit pisiarineqarsinnaapput aningaasartuutillu angerlarsimaffimmi ikiuisartoqarnerup tamakkiisup konto-atigut akilerlugit.

Eqqiaanermut atortut pisiarineqartut angerlarsimaffimmi ikiuisartumut pisariitsumut inissinneqassapput angerlarsimaffinilu ataasiakkaani inissinneqassanatik.

Angerlarsimaffimmissaaq ikiuisartup atugassaanut ilanngullugit pisiarineqarsinnaapput atisat sullisit, taakkuttaarlu angerlarsimaffimmi ikiuisartoqarnerup tamakkiisup konto-atigut akilerneqassapput.

Angerlarsimaffimmi ikiuisartut ilinniartitaasarneranni atorfinittitaasarnerannilu pissutsit.

21. Angerlarsimaffimmi ikiuisartut atorfinittinneqartarput inuit angerlarsimaffimmi ikiuisartussatut aallarnersaataasumik kur-



sus-ersimasut. Ilinniarnertu taanna katillugit sappaatit akunnerinik arfinilinnik sivilissuseqartoq atuagarsornermik assasornermillu ilinniartitsineruvoq ilaatigut makkuninnga imaqartog:

Nerisassiorneq, meeqqerineq, peqqinnissamik ilinniarneq, isumaginninnermut tunngasunik paasisitsiniaaneq, utogqaat innarluuteqartullu ajornartorsiutaat, ilaqtariit aningaasarsiornerannut tunngasut ikiueqqaarnerlu.

Ilinniarneq Perorsaasunngorniartut Atuarfianni ingerlanneqartarpoq.

22. Angerlarsimaffimmi ikiuisartog kommune-mit atorfinittinnegarsinnaavoq ullup affaani imaluunniit ulloq naallugu sulisartussangorlugu sapaatillu akunneranut kingoortumik aningaasarsinneqartassallumi.

Akissarsiassaa naatsorsorneqartassaaq SIK-ip isumaqatigiisutai atuuttuusut ilinniagaqarsimanngitsunullu tunngasut najoq-qutaralugit, naatsorsorneqartassallunilu sapaatip akunneranut nalunaaquttap akunneri 4o suliffiusartut naapertorlugit aningaasarsiat tunngaviat naatsorsuutigeriarlugu, akitsuutisiaq ilanngullugu, pisariaqarpat suliffimmi tapisiaq, kursusersimanermit tapisiaq, immaqalu qallunaatoorsinnaanermut tapisiaq.

Aningaasarsiat ilanngarneqarsinnaanngillat piffissat ilaanni angerlarsimaffimmi ikiuisartog sulinani piareersimasuuginnarsimagaluarpalluunniit, tamatuma nalaani suliffeqarfinimiit/isumaginninnermi ataatsimiititamiit suliassinneqarsinnaasimanngillatku-
ni.

23. Qaammardini marlunni tulleriini angerlarsimaffimmi ikiuisartup sulisinnaassusia naammattumik atornegarsinnaasimassanngikka-luarpat taava atorfinittitaanerani pissutsit allanngortittariaqarpat imaalillugit, akissaraissai piffissamut iluamik suliffigisimasaanuinaq naapertuuttunngorlugit

24. Akissarsiassat qulaani taaneqartut angerlarsimaffimmi ikiuisartunut ilinniarsimasunut tunngasuupput.

Angerlarsimaffimmili ikiuisartunik ilinniarnermik piumasa-
rineqartumik tiguisimannngitsunik atorfinittitsisoqariataassa-
galuarpat taava taakku SIK-ip isumaqatigiissutai sukkulluunniit
atuuttuusut ilinniagaqarsimannngitsullu nalunaaquttap akunnermu-
siaannut tunngasut tapiassartaqanngitsut atorlugit akissarsia-
lersorneqassapput.

25. Angerlarsimaffimmi ikiortit pillugit sulii akissarsiassat
atorfinittitaasernerlu pillugit immikkut ittunik malittarisaasa-
liortoqarsimanngilaq, taamaattumik SIK-ip isumaqatigiissutai
ilinniagaqarsimasunut ilinniagaqarsimannngitsunullu tunngasut
nalinginnasut atuutiinnarallassapput.

Erseqqissarneqasaaq sulilersitsineq taamaattoq aalajangersi-
masumik atorfinittitsinertut taaneqarsinnaanngimmat.

Suliffininnerani ilitsersuut angerlarsimaffimmi ikiuisartu-
mut tunniunneqassaaq. Ilitsersuutip assinga atsiorneqarsimasoq
suliffinititsisuusumit tigummineqassaaq.

Atuutilerpera

26. Kaajallaasitaq manna atuutilerpoq 1. juni 1975, peqatigi-
tillugulu SD-p kaajallaasitaa Kalaallit Nunaanni kommune-ni
angerlarsimaffimmi ikiorteqartitsisarnermut tunngasoq atorun-
naarluni.

Isumaginninnermi Pisortaqarfik, 22. maj 1975.

Arqaluk Kleemann

/

Frede Duvander